

**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

Quòd disciplina distinguuntur magistri à discipulis: religiosi & clerici, à laicis: & quòd magistri sint sacerdotes, qui Christum sequuntur, & eius præcepta docent. Cap. XXX.

[urn:nbn:de:hbz:466:1-69050](#)

in illis viget ingenium, iudicium, & memoria; eo magis diuinis muneribus ad aliorum usum, & ad animarum salutem utantur: in ea, ad quam nati sunt, & cui a primis annis se dediderunt, arte se exerceant: sine fuso & ostentatione senum consuetudine, prudentiam augent: vita moderatione & graui bus colloquijs iuniores erudiant.

Quod disciplina distinguuntur magistri a discipulis: religiosi & clerici, a laicis: & quod magistri sint sacerdotes, qui Christum sequuntur, & eius præcepta docent.

Cap. XXX.

DI STING VV NTV R auditores, ut paulo ante monuimus, disciplina; vt alijs dicatur magistri, alijs verò discipuli: & inter magistros, alijs sint rerum diuinorum, alijs humanarum: quæ distinctio non solùm ad mares, verùm etiam ad fœminas pertinet: hoc uno excepto, quod fœminis non licet sacras literas docere. quo loco erunt admonendæ quædam viduae curiosæ, per urbem cursitantes, vt moderationem retineant, orent, familiam suam bene administrèt, concionibus intersint, Missas audiant, operibus pjs se dedant, silentio modestiam præse ferant Christianam. Porro magistrum optimum fuisse Iesum Christum D. N. Ecclesiasticus orator sàpè ostendat: docuit enim utilia, breui tempore, facile docuit, omnia fecit, quæ docuit: quibus de rebus erit fortassis virilius oratori Ecclesiastico, pluribus verbis differere in synodis, cum iussu episcopi sermonem interdù habet, aut in congregacionibus, quæ in diecœsibus, discèdi, & se mutuò consolādi causa

118 DE RHETORICA ECCLES.

causa institutæ sunt. Si ad populum interdum explicans Euangelium, hunc locum tractauerit; ita illum tractabit, vt se non bonum magistrum prius esse fateatur, atq; vt hortetur populum ad orandum Deum, vt boni magistri ad erudiendam plebem Dei mittantur: verum magistrum dicat esse Christum; sanctos Apostolos, et eos, qui illis successerunt, episcopos, eius fuisse hypodidascalos, aut ut usitato verbo utamur, repetitores: pessimū magistrum esse saibana, quandoquidē suggerit res inutiles & perniciose, docere omni tempore; specie etiā virtutis sanctos fallere; docere discipulos suos fingere; aliter docere, aliter viuere. Sacerdotes interdum alloquēs orator Ecclesiasticus, ostendet eos esse ministros Dei, vt iam sapè dictum est, illis multa dicta esse à prophetis, quæ tanquam si diuina voce prolatæ essent, sunt proferenda; quemadmodum illa Malachia: O sacerdotes, si volueritis audire, & si nolueritis ponere super cor, vt detis gloriā nomini meo, ait dominus exercituum, mittā in vos egestatem, & maledicam benedictionibus vestris, & maledicam illis, quoniam non posuisti super cor: ecce ego projiciā vobis brachium, & dispergā super vultum vestrum, stercus solennitati vestrarū, & assumet vos secum, et quæ sequuntur. Quo loco obseruare debet, nè locos huiusmodi tractans, sacerdotibus autoritatē minuat, & populū contra illos irritet: prima persona utatur, cùm de sacerdotibus ad populum dicit: verbi causa, illa Malachia tractans, dicat: Nobis dicta sunt illa verba, quæ sine lachrymis vix commemorari possunt, ideoq; afferuntur in medium, vt pro nobis, dilectissimi fratres oretis: Sed raro admodum corā populo ad sacerdotes conuertendus est sermo. in synodis potius,

potius, & in congregationibus, quæ ab episcopis haberi
solent, hic locus explicādus, et copiosè illa verba B. Chry-
sostomi explananda: Multi sacerdotes, pauci sacerdotes;
cathedra nō efficit sacerdotem, sed sacerdos cathedram:
& in primis illa Saluatoris nostri: Vos estis sal terræ, vos
estis lux mundi; & pluribus verbis ostendendum est; in sa-
cerdotibus requiri bonitatem, sobrietatem, castitatem,
scientiam, id q̄ multi sententijs poterit confirmare: ne-
cessariam bonitatem demonstrabit testimonio Davidis,
dicentis: Sacerdotes tui induantur iustitiam; & Esiae,
qui scripsit: Mundamini, qui fertis vasa Domini: confir-
mabit necessariā esse sobrietatem, illis Dei verbis ad Aa-
ron & filios eius: Vinum, & omne quod inebriare potest,
non bibetis tu et filij tui, quandò intrabis in tabernacu-
lum testimonij: ad quā virtutem S. Apostolus Paulus Ti-
motheum hortatur illis verbis: Sobrium esto: vtetur etiam
eiusdem Apostoli verbis ad ostēdendum castitatem in sa-
cerdote requiri; qui eundem filium suum charissimū mo-
nuit, vt in omnibus seipsum castū custodiret; addet requi-
ri in sacerdotibus bonos mores, eiusdem S. Pauli verba
proferens: Nemini dantes villam offensionem, nè vitupe-
retur ministerium nostrum, sed in omnibus exhibeamus
nos sicut Dei ministros. Vtile etiam erit sāpē dicere, val-
dē necessariam esse scientiā; & verba illa prophetæ com-
memorare: Labia sacerdotis custodient scientiam, & le-
gem requirent ex ore eius, quia angelus Domini exerci-
tuum est; & incutere sacerdotibus timorem illis verbis:
Quia tu scientiam repulisti, & ego repellam te, nè sacer-
dotio fungaris mibi. Quæ omnia à Deo paucis verbis pro-
phetæ petijisse vi sis est, cùm dixit: Bonitatē, disciplinam,
& scien-

& scientiam doce me. Atq; sacerdotes in primis ad auaritiam fugiendā adhortandis sunt, cūm verbis prophetarum, & præsertim illis Micheæ: Principes eius in muneribus iudicabāt, & sacerdotes eius in mercede docebant, & prophetæ eius in pecunia diuinabant; propter hoc Sion quasi ager arbitur, & Hierusalem quasi aceruuus lapidum erit, & mons templi in excelsa syluarum; tum etiam exemplis sanctorum hominū, in primis sacerdotum, vt Gregorij Pont. Max. sancti Martini episcopi, sancti Dominici, et quamplurimorum aliorum, quos sacrarum historiarum libri suppeditabunt.

Qua ratione excitandi sint auditores, de sacerdotibus & concionatoribus interdùm non benè sentientes.

Cap. XXXI.

Ad populum verò cūm necessariò de sacerdotio dicendum est, verba illa D. N. Iesu Christi, in medium sunt afferenda: Quæ dicunt, seruate, & facite; quæ faciunt, nolite facere: non contemnendos Dei ministros, sed eorum calamitatēm potius lugendam, qui se tanto munere indignos ostendunt, & iustissimam Dei iram in se concitant. excitandi verò sunt auditores verbi Dei, discipuli apostolorum, concionatorum, et sacerdotum, quos audiunt, vt, quæ audiunt, mandent memoriae, audiant cum fructu; non numerentur inter illos, de quibus scriptum est: Semper discentes, nunquām ad scientiam peruenientes. Ad discipulos, quos sanctissimi viri, Christi disciplina imbuti, B. Augustinus, Hieronymus, Frāciscus, Dominicus, & Benedictus instituerūt, & sanctissimis suis regulis